



BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE  
DOM NARODA  
Broj: 02-02-42/07  
Sarajevo, 14.02.2007. godine

**Z A P I S N I K**  
**KONSTITUIRAJUĆE SJEDNICE DOMA NARODA PARLAMENTA**  
**FEDERACIJE BOSNE I HERCEGOVINE, održane 25. januara i**  
**14. februara 2007. godine**

Sjednica je počela u 10.20.

Sjednici je do izbora novog predsjedavajućeg Doma naroda Parlamenta Federacije BiH predsjedavao Slavko Matić, dosadašnji predsjedavajući Doma naroda.

Predsjedavajući je pozdravio novoizabrane delegate čestitajući im na izboru.

Posebno je pozdravio aktuelne potpredsjednike Federacije BiH Šahbaza Džihanovića i Desnicu Radivojevića, premijera Vlade Federacije BiH Ahmeta Hadžipašića, zamjenika premijera Gavrila Grahovca, ministre u Vladi Federacije BiH, članove Centralne izborne komisije Bosne i Hercegovine, predstavnike Međunarodne zajednice i predstavnike akreditiranih medijskih kuća koji prate rad sjednice.

Predsjedavajući je podsjetio delegate da se prema Amandmanu XXXIII na Ustav Federacije BiH Dom naroda Parlamenta Federacije BiH sastoji od po 17 delegata iz reda svakog konstitutivnog naroda i sedam delegata iz reda ostalih.

Obavijestio je delegate da je Centralna izborna komisija Bosne i Hercegovine dodjela mandat 52 delegata - 17 iz reda hrvatskog naroda, 17 iz reda bošnjačkog naroda, 14 iz reda srpskog naroda i četiri iz reda ostalih.

Potom je pozvao Stjepana Mikića, predsjednika Centralne izborne komisije Bosne i Hercegovine, da delegatima podijeli uvjerenja o verifikaciji mandata.

Stjepan Mikić je, ispred Centralne izborne komisije, konstatovao da su u Dom naroda Parlamenta Federacije BiH iz kantonalnih skupština

izabrana 52 delegata i to 17 iz reda hrvatskog naroda, 17 iz reda bošnjačkog naroda, 14 iz reda srpskog naroda i četiri iz reda ostalih.

Istakao je da se preostala tri delegata iz reda srpskog naroda ne mogu izabrati dok se ne izmjeni Ustav Federacije BiH i Izborni zakon Bosne i Hercegovine, a da će se preostala tri delegata iz reda ostalih uskoro izabrati.

Potom je čestitao delegatima na izboru i zaželio im uspješan rad.

Ukratko je objasnio i proceduru izbora delegata u Dom naroda Parlamentarne skupštine Bosne i Hercegovine.

Nakon toga su podijeljena uvjerenja o verifikaciji mandata.

Poslije podjele uvjerenja predsjedavajući je obavijestio delegate da prema članu 6. Poslovnika o radu Doma naroda sazivanje prve sjednice vrši predsjedavajući prethodnog saziva Doma naroda i predsjedava sjednicom do izbora novog predsjedavajućeg.

Predsjedavajući je potom dao pauzu od 30 minuta kako bi se konstituisali klubovi naroda i pripremili prijedlozi za privremena radna tijela, Privremenu mandatno-imunitetsku komisiju i Privremenu komisiju za izbor i imenovanja, prijedlozi za rukovodstvo Doma, predsjednika i potpredsjednike Federacije BiH i prijedlozi kandidacionih lista za izbor delegata u Dom naroda Parlamentarne skupštine Bosne i Hercegovine. Također, predložio je da se u dnevni red Konstituirajuće sjednice uvrsti tačka - Prijedlog Odluke o privremenom finansiranju Federacije BiH za period januar - mart 2007. godine.

\* \* \*

Nakon pauze, predsjedavajući je pozvao delegate da se izjasne o prijedlogu da se u dnevni red uvrsti tačka - Prijedlog Odluke o privremenom finansiranju Federacije BiH za period januar - mart 2007. godine što su delegati jednoglasno prihvatili.

Prijedlog Odluke razmatrat će se kao peta tačka dnevnog reda Konstituirajuće sjednice.

Potom je otvorena rasprava o predloženom dnevnom redu.

Velimir Kunić je, ispred Kluba delegata srpskog naroda, predložio da se iz predloženog dnevnog reda skinu tač. 5., 6. i 7. koje se odnose na izbor rukovodstva Doma, predsjednika i potpredsjednika Federacije BiH i izbor delegata u Dom naroda Parlamentarne skupštine Bosne i Hercegovine.

Predsjedavajući je istakao da nema potrebe za tim jer se Konstituirajuća sjednica nakon donošenja Odluke o privremenom finansiranju Federacije BiH za period januar - mart 2007. godine može prekinuti i nastaviti kad se za to steknu uvjeti.

Potom je predsjedavajući dao na glasanje predloženi dnevni red i, na osnovu rezultata glasanja, konstatovao da je Dom naroda Parlamenta Federacije BiH jednoglasno, sa 51 glasom, usvojio sljedeći:

### **D N E V N I R E D**

1. Izbor Privremene mandatno-imunitetske komisije Doma naroda Parlamenta Federacije BiH;
2. Izvještaj Privremene mandatno-imunitetske komisije;
3. Davanje zakletve;
4. Izbor Privremene komisije za izbor i imenovanja Doma naroda Parlamenta Federacije BiH;
5. Prijedlog Odluke o privremenom finansiranju Federacije BiH za period januar - mart 2007. godine;
6. Izbor predsjedavajućeg i potpredsjedavajućih Doma naroda Parlamenta Federacije BiH;
7. Prijedlog liste kandidata za predsjednika i potpredsjednike Federacije BiH;
8. Izbor delegata u Dom naroda Parlamentarne skupštine Bosne i Hercegovine.

#### **1. Izbor Privremene mandatno-imunitetske komisije Doma naroda Parlamenta Federacije BiH**

Predsjedavajući je obavijestio delegate da je za verifikaciju mandata delegata u Domu naroda potrebno izabrati Privremenu mandatno-imunitetsku komisiju.

Potom je pročitao imena kandidata koje su predložili klubovi delegata.

**Isak Ramo i Asim Mekić** iz reda bošnjačkog naroda  
**Anto Bilić i Nada Čulap** iz reda hrvatskog naroda  
**Mladen Lonić i Daliborka Milović** iz reda srpskog naroda  
**Igor Rajner** iz reda ostalih

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH jednoglasno, sa 51 glasom, izabrao Privremenu mandatno-imunitetsku komisiju u predloženom sastavu.

Potom se Komisija izdvojila i pripremila Izvještaj.

#### **2. Izvještaj Privremene mandatno-imunitetske komisije**

Ispred Komisije Izvještaj je obrazložio Igor Rajner, predsjednik Komisije, i predložio Domu naroda da verifikuje mandat 52 delegata koji su prihvatili mandat. Također, konstatovao je da za puni sastav Doma naroda nedostaje još šest delegata i to tri iz reda srpskog naroda i tri iz reda ostalih.

Potom je pročitao imena delegata i predložio da im se verifikuju mandati.

U raspravi su učestvovali: Mira Ljubijankić, Velimir Kunić i Jasenko Tufekčić.

S obzirom na to da je Mira Ljubijankić predložila Zaključak koji je i pročitala, predsjedavajući ga je dao na glasanje i konstatovao da je Dom naroda Parlamenta Federacije BiH jednoglasno, sa 52 glasa, usvojio sljedeći:

## **ZAKLJUČAK**

1. Pokreće se inicijativa za stvaranje ustavnog i zakonskog osnova za izbor nedostajućih delegata u Domu naroda Parlamenta Federacije BiH.
2. Zadužuje se rukovodstvo Doma naroda da vodi ovu inicijativu i u koordinaciji sa rukovodstvom Predstavničkog doma Parlamenta Federacije BiH u najkraćem roku predloži rješenja.

Potom je predsjedavajući dao na glasanje Izvještaj Privremene mandatno-imunitetske komisije i konstatovao da je Dom naroda Parlamenta Federacije BiH jednoglasno, sa 52 glasa, usvojio Izvještaj i time verifikovao mandat 52 delegata u Domu naroda.

### **3. Davanje zakletve**

Predsjedavajući je pozvao delegate kojima je verifikovan mandat da daju zakletvu, što su delegati i učinili.

### **4. Izbor Privremene komisije za izbor i imenovanja Doma naroda Parlamenta Federacije BiH**

Predsjedavajući je podsjetio delegate da je potrebno izabrati Privremenu komisiju za izbor i imenovanja kako bi se izvršio izbor predsjedavajućeg i dva potpredsjedavajuća Doma naroda.

Potom su pročitana imena kandidata koje su predložili klubovi delegata.

**Sead Čaušević i Zaim Imamović Kaze** iz reda bošnjačkog naroda  
**Drago Puzigaća i Miro Lazović** iz reda srpskog naroda  
**Željko Asić i Pero Jukić Pop** iz reda hrvatskog naroda  
**Muharem Serbezovski** iz reda ostalih

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH jednoglasno, sa 50 glasova, usvojio ovaj prijedlog i izabrao Privremenu komisiju za izbor i imenovanja.

Predsjedavajući je pozvao članove Komisije da što prije održe sjednicu i prešao na rad po sljedećoj tački dnevnog reda.

## **5. Prijedlog Odluke o privremenom finansiranju Federacije BiH za period januar - mart 2007. godine**

Prijedlog Odluke utvrdila je Vlada Federacije BiH i dostavila Parlamentu Federacije BiH radi razmatranja i donošenja.

Predstavnički dom Parlamenta Federacije BiH je na 1. vanrednoj sjednici, održanoj 04. januara 2007. godine, usvojio Prijedlog Odluke u tekstu kako ga je predložila Vlada Federacije BiH.

Prije obrazloženja Prijedloga Odluke za riječ se javio premijer Ahmet Hadžipašić čestitajući prije toga novoizabranim delegatima na izboru zaželjevši im uspješan rad.

Prijedlog Odluke obrazložio je Dragan Vrankić, ministar finansija.

U raspravi su učestvovali: Svetozar Pudarić, Jasenko Tufekčić, predsjednik Kluba delegata bošnjačkog naroda, Velimir Kunić i Josip Perić, predsjednik Kluba delegata hrvatskog naroda.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH jednoglasno, sa 51 glasom, usvojio Prijedlog Odluke o privremenom finansiranju Federacije BiH za period januar - mart 2007. godine.

\* \* \*

Nakon toga predsjedavajući je izjavio da je, na osnovu mišljenja sa sjednica klubova, zaključio da se nisu stekli uvjeti za nastavak Konstituirajuće sjednice pa je pozvao predsjednike klubova i delegate da se izjasne o tome.

U raspravi su učestvovali: Mira Ljubijankić, predsjednica Kluba delegata srpskog naroda, Josip Perić, predsjednik Kluba delegata hrvatskog naroda, Jasenko Tufekčić, predsjednik Kluba delegata bošnjačkog naroda i Svetozar Pudarić.

Nakon toga predsjedavajući je prekinuo sjednicu izrazivši uvjerenje da će se vrlo brzo steći uvjeti za njen nastavak.

\* \* \*

Sjednica je završena u 13.05.

## NASTAVAK SJEDNICE 14. FEBRUARA 2007. GODINE

Sjednica je počela u 11.15.

Sjednici je predsjedavao Slavko Matić, dosadašnji predsjedavajući Doma naroda Parlamenta Federacije BiH.

Predsjedavajući je posebno pozdravio aktuelne potpredsjednike Federacije BiH Šahbaza Džihanovića i Desnicu Radivojevića, zamjenika premijera Gavrila Grahovca, ministre i ostale predstavnike Vlade Federacije BiH, predstavnike Međunarodne zajednice i predstavnike akreditiranih medijskih kuća koji prate rad sjednice.

Na osnovu evidencije Stručne službe, predsjedavajući je konstatovao da sjednici prisustvuju 34 delegata, što čini većinu, te da Dom naroda može raditi i punovažno odlučivati.

Potom je podsjetio delegate na preostale tačke dnevnog reda:

6. Izbor predsjedavajućeg i potpredsjedavajućih Doma naroda Parlamenta Federacije BiH;
7. Prijedlog liste kandidata za predsjednika i potpredsjednike Federacije BiH;
8. Izbor delegata u Dom naroda Parlamentarne skupštine Bosne i Hercegovine.

### 6. Izbor predsjedavajućeg i potpredsjedavajućih Doma naroda Parlamenta Federacije BiH

Ispred Privremene komisije za izbor i imenovanja Izvještaj je obrazložio Pero Jukić Pop, koji je obavijestio delegate da je Komisija primila prijedloge klubova naroda za predsjedavajućeg i potpredsjedavajuće Doma naroda Parlamenta Federacije BiH i to:

- za predsjedavajućeg Doma naroda iz reda hrvatskog naroda predložen je **Stjepan Krešić**;
- za potpredsjedavajućeg Doma naroda iz reda bošnjačkog naroda predložen je **Besim Imamović**;
- za potpredsjedavajućeg Doma naroda iz reda srpskog naroda predloženi su **Drago Puzigaća** i **Mirko Pejanović**, koji su dobili jednak broj glasova (po sedam) prilikom glasanja u Klubu delegata srpskog naroda.

Komisija je predložila isto što i Klub delegata srpskog naroda - da se glasanjem odluči o kandidatu za potpredsjedavajućeg Doma naroda iz reda srpskog naroda.

Nakon toga predsjedavajući je otvorio raspravu.

U raspravi su učestvovali: Jasenko Tufekčić, predsjednik Kluba delegata bošnjačkog naroda, Saša Magazinović, Velimir Kunić, Svetozar Pudarić i Josip Perić, predsjednik Kluba delegata hrvatskog naroda.

S obzirom na to da je Jasenko Tufekčić, ispred Kluba delegata bošnjačkog naroda, zatražio pauzu kako bi se sastali klubovi naroda i razmotrili prijedlog za potpredsjedavajućeg iz reda srpskog naroda, predsjedavajući je dao pauzu od 10 minuta.

\* \* \*

Nakon pauze, predsjedavajući je dao na glasanje prijedloge za predsjedavajućeg i potpredsjedavajuće Doma naroda Parlamenta Federacije BiH.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH jednoglasno, sa 51 glasom, izabrao **Stjepana Krešića** za predsjedavajućeg Doma naroda Parlamenta Federacije BiH.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH jednoglasno, sa 51 glasom, izabrao **Besima Imamovića** za potpredsjedavajućeg Doma naroda Parlamenta Federacije BiH.

Kako su za potpredsjedavajućeg iz reda srpskog naroda predložena dva kandidata, predsjedavajući je podsjetio delegate da će za potpredsjedavajućeg biti izabran onaj kandidat koji dobije većinu glasova.

Potom je pozvao delegate da se izjasne o kandidatima.

Na osnovu rezultata glasanja, predsjedavajući je konstatovao da je za **Dragu Puzigaću** glasalo 35 delegata a za **Mirka Pejanovića** 16 delegata.

Prema tome, za potpredsjedavajućeg Doma naroda Parlamenta Federacije BiH izabran je **Drago Puzigaća**.

Nakon toga je dosadašnji predsjedavajući Doma naroda Slavko Matić čestitao novoizabranom rukovodstvu, zaželjevši im uspjeh u budućem radu i pozivajući ih da preuzmu rukovođenje sjednicom.

\* \* \*

**Poslije izbora sjednicom je predsjedavao Stjepan Krešić,  
novoizabrani predsjedavajući Doma naroda**

Prije nastavka rada sjednice Stjepan Krešić zahvalio je na izboru i prešao na rad po sljedećoj tački dnevnog reda.

## 7. Prijedlog kandidata za predsjednika i potpredsjednike Federacije BiH

Predsjedavajući je podsjetio delegate da na osnovu amandmana XI i XLI na Ustav Federacije BiH, Federacija BiH ima predsjednika i dva potpredsjednika koji ne mogu biti iz istog konstitutivnog naroda.

Na osnovu Amandmana XLII stav 1. na Ustav Federacije BiH najmanje trećina delegata iz klubova bošnjačkih, hrvatskih ili srpskih delegata u Domu naroda može kandidovati predsjednika i dva potpredsjednika Federacije BiH.

Predsjedavajući je dao pauzu od 15 minuta da bi se obavile konsultacije i pripremili prijedlozi za ove funkcije.

\* \* \*

Nakon pauze, predsjedavajući je obavijestio delegate da je za vrijeme pauze održana sjednica Kolegija Doma naroda i konstatovano da postoje dvije zajedničke kandidatske liste za predsjednika i potpredsjednike Federacije BiH:

**prva lista** na kojoj su predloženi:

- za predsjednika Federacije BiH iz reda hrvatskog naroda **Borjana Krišto**,
- za potpredsjednika Federacije BiH iz reda bošnjačkog naroda **Mirsad Kebo**,
- za potpredsjednika Federacije BiH iz reda srpskog naroda **Spomenka Mičić**;

**druga lista** na kojoj su predloženi:

- za predsjednika Federacije BiH iz reda hrvatskog naroda **Borjana Krišto**,
- za potpredsjednika Federacije BiH iz reda bošnjačkog naroda **Mirsad Kebo**,
- za potpredsjednika Federacije BiH iz reda srpskog naroda **Simo Simić**.

U raspravi nije niko učestvovao.

Kolegij Doma naroda zaključio je da se ove dvije liste dostave Predstavničkom domu Parlamenta Federacije BiH jer prema Amandmanu XLII stav 2. izbor predsjednika i potpredsjednika Federacije BiH zahtijeva prihvatanje zajedničke kandidatske liste za predsjednika i potpredsjednike Federacije BiH većinom glasova u Predstavničkom domu, a zatim i većinom



glasova u Domu naroda, uključujući i većinu kluba svakog konstitutivnog naroda.

## **8. Izbor delegata u Dom naroda Parlamentarne skupštine Bosne i Hercegovine**

Prije prelaska na rad predsjednik Kluba delegata hrvatskog naroda Josip Perić zatražio je pauzu kako bi se obavile konsultacije u vezi sa ovom tačkom dnevnog reda.

Predsjedavajući je dao pauzu od 30 minuta.

\* \* \*

Nakon pauze, predsjedavajući je predložio da se do 16 sati liste kandidata predaju Stručnoj službi Doma naroda i nakon toga upute Centralnoj izbornoj komisiji Bosne i Hercegovine radi provjere podataka o kandidatima.

\* \* \*

Sjednica je završena u 14 sati.

Magnetofonski snimak sjednice i prijepis snimka sjednice čine sastavni dio Zapisnika.

SEKRETAR

Izmir Hadživdić

PREDSJEDAVAJUĆI

Stjepan Krešić